

大有

狐狸雉兔畏人逃去分走竄匿不知所處

無註

謙

異體殊俗各有所屬西隣孤嫗欲寄我室主毋罵詈終不可得

無註

豫

怒非怨妬貪得腐鼠而呼鵲鷓自令失餌致被困患

無註

隨

五心六意岐道多怪非君本志生我恨悔

無註

蠱

三班六黑同室共食日長月息我家  
有德

無註

臨

方船備水旁河燃火終身無禍

無註

觀

翳屏獨語不聞朝市以利居服兔跛

後聞

無註

噬嗑

以處不安從反觸患

無註

賁

剝剝髡人所殘弃批捍之言我心

不快

剝音擊髡音坤剝音又

剝

臯田禾黍搥壤麻阜衣食我躬室家  
饒有

無註

大畜

匿病不醫亂政傷災紂作淫虐商破

其墟

書商紂無道淫酗肆虐武王伐之

遂滅商

無妄

金城朔方外國多羊履霜不時去復

為憂

無註

大過

焱風卒起車馳袍褐弃古追亡失其  
和節心憂憊憊

無註

頤

鬼泣哭枉悲傷無後甲子昧爽殷人  
絕祀

書曰甲子昧爽王朝至于商郊牧  
野伐紂滅殷

離

隨風騎龍與利相逢田獲三狐商伯  
有功衝衝之邑長安無他

周易解九二田獲三狐狐者邪媚  
之獸三狐指卦之三陰也

坎

耆老不明聞善不從自令顛沛敗為  
咎殃

無註

復

兩目失明日奪無光脛足跛躄不可  
以行頓於丘傍

無註

咸

三牛五牂重明作福使我  
有得疾人官獄憂在心腹

無註

恒

孟巳乙丑哀呼尼父明德訖終亂害

滋起

乙當作巳哀公十六年四月巳丑  
孔子卒

遁

華燈百枝消闇衰微精光訖盡奄如

灰縻

無註

大壯

鷹飛雉退兔伏不起弧張狼鳴野雞  
飛驚

無註

晉

鬪戰天門身有何患室家具在不失  
其歡

無註

明夷

東家殺牛行逆腥臊神背西顧命衰  
絕周亳社災燒宋人夷誅

易曰東鄰殺牛不如西鄰之禴祭  
春秋魯襄公三十年五月鳥鳴于  
亳社甲午宋大灾亳當作亳

家人

陰陽辨舒二姓相合婚姻孔云生我

利福

無註

蹇

東入海口循流北走一高一下五邑

無主十日六夜死於水渙

未詳

解

孤竹之墟失婦無夫傷於蒺藜不見

其妻東郭棠姜武氏以亡

孤竹國名易繇曰困于石據于蒺

藜入于其宮不見其妻凶棠姜齊

棠公之妻東郭偃之姊也武氏崔

武子杼出左傳

損

天戶東墟盡既為災跼蹐黯聳秦伯受殃

跼音逆蹐音湊

益

賴先休光受福之祉雖遭亂潰獨不危殆

無註

夫

折若蔽目不見稗叔三足孤鳥遠去家室

目當作日楚詞折若木以拂日今若木木名在崑崙西極其華光照下地抱朴子日中有三足鳥

違

二人同室兄弟合食和樂相好各得所敬



無註

萃

繼體守蕃縱欲廢賢君臣淫遊夏氏  
失身側室之門福祿來存

按左傳陳靈公與孔寧儀行父通  
於夏姬皆褻其相服以戲于朝後  
陳靈公與孔寧儀行父飲於夏氏  
公謂行父曰徵舒似女對曰亦似  
君徵舒病之十一年楚人殺陳夏  
徵舒

升

老狐屈尾東西為鬼病我長女坐涕  
詘指或西或東大華易誘

狐妖獸也鼻尖尾大性多疑出名  
山記

困

大樹之子百條共母當夏六月枝葉  
盛茂鸞鳳以庇邵伯避暑穉穉印甚  
各得其所

無註

井

井堙木刊國多暴殘秦王失成壞其  
太壇

襄公二十五年陳侯會楚子伐鄭  
當陳隧者井堙木刊史記楚將沛  
公破秦兵入咸陽降子嬰羽燒秦  
宮室火三月不息此言秦王失其  
戍守而至於社稷壞矣

葦

駕黃買蒼與利相迎心獲所守不累  
弟兄

黃驪黃蒼蒼耳皆馬也

鼎

庾億倉盈年歲安寧稼穡熟成

無註

震

人生馬淵壽老且神飛騰上天舍宿

軒轅居常樂安

無註

艮

思顧所之乃令逢時洗我故憂拜我

歡來

無註

漸

魁罡所當初為敗殃君子留連困於

水漿求金東山利在代鄉賈市有息

子載毋行

無註

歸妹

鉛刀攻玉無不鑢鑿龍體其舉魯班  
為輔三仁翼事所求必喜

魯班公輸子之名

豐

喜來如雲舉家蒙歡眾才君子駕福  
盈門

無註

旅

響像無形骨體不成微行衰索消滅  
無名

無註

巽

積水不温北陸苦寒露宿多風君子  
傷心

無註

允

黃馬綠車駕之大都讚達才能使我  
無憂

無註

渙

從風放火艾芝俱死三害集聚十子  
患傷

艾草名芝靈草被火則俱死即玉  
石俱焚之義三害未詳

節

一身三手無益於輔兩足共節不能  
克敏

未詳

中孚

南向一室風雨並入塵埃積濕主母  
盲痺偏枯心疾亂我家資

無註

小過

採薇出車魚麗思初上下促急君子

懷憂

采薇出車魚麗皆詩篇名采薇言  
出戍之時采薇以食而念歸期之  
遠也出車之詩勞還率也魚麗之  
詩燕饗之樂歌也

既濟

先易後否告我利市騷蘇自苦思吾  
故止

無註

未濟

生宜地乳上皇大喜降我社福貴壽

無極

無註

☷  
上坎下蹇

同載共輿中道別去喪我元夫獨與  
孤居

無註

之乾

叔盼拘寃祁子自邑乘遽解患羊舌  
免晚賴得全生

按春秋叔盼即叔向祁子即祈奚

羊舌虎叔向弟也晉范宣子殺虎  
囚向祁奚聞之乘駟而見宣子言  
叔向之善宣子悅言諸公而免之  
盼當作盼晚當作脫

坤

兔聚東郭衆犬俱獵圍缺不成無所  
能獲

東郭競海內之狡兔

屯

作室山根人以為安一旦崩頽敗我  
盤殮

無註

蒙

疾風塵起亂擾崩始强大亦小先否  
後喜

無註

需

潔齊浴沐思明君德哀公怯弱風氏  
復比

春秋哀公十四年六月甲午齊陳  
恒弑簡公于舒州孔子齊三日沐  
浴而朝告請討之公使告季氏此  
言哀公怯弱而受制於季氏不敢  
專也



訟

土瘠瘦薄培塿無栢使我不樂

無註

師

褰衣涉河水深漬罷賴幸舟子濟脫

無他

無註

比

送我季女至于蕩道齊子曰夕夕留

連處

季女齊子齊襄公妹魯桓公夫人

也桓公十八年公與夫人姜氏如

齊詩云魯道有蕩齊子庸止

小畜

三孫六子安無所苦中歲發殆亡我

所使

履  
無註

履

偃風揚草塵埃俱起清濁溷散忠直  
隱處

無註

泰

歷險登危道遠勞罷玄豕自歸困涉  
大波

無註

否

六藝之門仁義俱存鑑基逢時堯舜  
為君傷寒熱溫下室黃泉

六藝禮樂射御書數

同人

被服文衣遊觀酒池上堂見觴喜為  
吾兄使我憂亡

史記商紂無道始為象箸箕子歎  
曰錦衣九重高臺廣室稱此以求  
天下不足矣又為酒池肉林武王  
伐之遂亡其國

大有

生時不利天命災至制於斧癩晝夜  
苦勤

無註

謙

天門開闢牢戶寥廓桎梏解脫拘囚  
縱釋

無註

豫

川淵難遊水為我憂多言少實命鹿  
為駒建德開基君子逢時利以仲疑  
無註

隨

鄉歲逢時與生為期枝葉盛茂君子  
無憂

無註

盪

六鷖退飛為衰敗祥陳師合戰左股  
夷傷遂崩不起霸功不成

春秋僖公十六年正月六鷖退飛

過宋都二十二年十一月宋公及  
楚人戰于泓宋師敗績公傷股二  
十三年五月公卒傷於泓故也鷖  
當作鷖

臨

雷君出裝隱隱西行霖雨不止流為  
巨江南國以傷

無註

觀

牙孽生齒室蟠啓戶幽人利貞鼓翼起舞

按後卦小畜之睽一作牙孽生達義通

噬嗑

火起上門不爲我殘跳脫東西獨得生完不利出鄰病疾憂患

無註

賁

舉事無成不利出征言不可用衆莫能平

無註

剝

老狼白驢長尾大狐前顛卻躡進退遇崇

無註

復

日入道極勞者休息班馬還師復我  
燕室

春秋襄公十八年齊師夜遁有班  
馬之聲註馬不相見故鳴班別也  
無妄

林麓山藪非人所處鳥獸無禮使我  
心苦

無註

大畜

蓄利積福日新其德高氏飲食憂不  
為患

無註

頤

張羅百目鳥不得比縮頸挂翼困於

寤國君子治德獲譽受福

無註

大過

伯虎仲熊德義淵弘使布五教陰陽  
順序

按史高辛氏之子有曰伯虎仲熊  
舜舉八愷使主后土為伯益之佐  
伯虎疑即仲虎也五教者父子有  
親君臣有義夫婦有別長幼有序  
朋友有信

坎

跛躄相隨日暮牛罷凌遲後旅失利

亡雌

無註

離

羸氏違良使孟尋兵師老不已敗於

齊鄉

春秋僖公三十二年杞子自鄭使告于秦曰鄭人使我掌北門之管若潛師以來國可得也秦穆公訪諸蹇叔蹇叔曰勞師以襲遠非所聞也公辭焉召孟明西乞白乙使出師遂敗于殽秦嬴姓

咸

日月並居常闇且微高山崩巔丘陵

為谿

無註

恒

鳥鵲食穀張口受哺蒙被恩德長大成就柔順利貞君臣合好

無註

遯



雖躓復起不毀牙齒克免平復憂除  
無疾

無註

大壯

草木黃落歲暮無室虐政爲賊大人  
失福

無註

晉

避凶東走反入禍口制於牙爪骨爲

灰土

無註

明夷

欲飛不能志苦心勞福不我求

無註

家人

羔裘豹袂東與福遇駕迎吾兄送我

驪黃

無註

睽

東耕破犁西失良妻菑害不避家貧

無資

無註

解

魚陸失所鳧龜困苦澤無藿蒲晉國

以虛

藿音蛙藿音桓

損

行役未已新事復起姬姜勞苦不得

休止

無註

益

脫足無蹄三步五罷南行不進後市

身苦

無註

夫

白日揚光火為正王消金厭兵雷車  
避藏陰雨不行民安其鄉

無註

違

放銜垂轡犇馬不制弃法作奸君失

其位

無註

萃

司命下遊喜解我憂皇母緩帶嬰子  
笑喜

無註

升

黃帝出遊駕龍乘馬東上大山南過

齊魯邦國咸喜

黃帝邑於涿鹿之阿遷徙無常以  
兵師爲營衛後得六相而天地治  
神明至

困

既往不說憂來禍結北戶爲患無所  
申雪

無註

井

荷蕢隱名以避亂傾終身不仕遂其  
潔清

論語有荷蕢而過孔氏之門者註  
云荷蕢隱士也

革

折挺春稷君不得食頭痒搔跟無益  
於疾

無註

鼎

植根不固華葉落去便為枯樹

無註

震

凶門生患牢戶多冤沙池禿齒使叔  
困貧

無註

良

登山履谷與虎相觸謂為功曹班叔  
奔北脫之喜國

史記龜策傳郭璞曰蝟能制虎

漸

麟鳳所翔國無咎殃賈市十倍復歸  
惠里

無註

歸妹

路險道難水遏我前進往不利迴車  
復還

無註

豐

延頸望邑恩歸其室臺樹不成未得  
安息

無註

旅

蒙生株瞿棘挂我須小人妬嫉使恩  
不遂

無註

巽

南至隱域深潛處匿聰明閉塞與死  
爲伍

無註

允

機餌設張司暴子良范叔不廉凶害  
及身

春秋鄭子孔乃子良之父其為政  
也專國人患之殺子孔而分其室  
子良奔楚魏范睢字范叔嘗從須  
賈使齊齊王喜其辨賜睢金與牛  
酒賈歸告魏相魏齊疑告以國陰  
事魏齊怒笞擊睢折脅摺齒置於  
厠使醉客溺之

渙

從騎出門遊戲空城阪高不進利無  
所得

無註

節

西國強梁為虎作狼東吞楚齊并有

其王

史記秦為狼虎之國始皇王翦虜  
楚王負芻以其地置楚郡二十六  
年王賁自燕南攻齊齊王遂降而  
天下混一

中孚

登山伐輻虎在我側王孫無懼仁見  
不賊

無註

小過

六月睽睽各欲有望後來未壯俟時  
旦明

無註

既濟

道涉多阪牛馬蜿蟺車不麗載請求  
不得



無註

未濟

一口三舌相妨無益群羊百牂不為  
威強亡馬失駒家耗於財

無註

三三  
坎下  
震上解

駕行出遊鳥鬪車前更相摔滅兵寇  
旦來迴車亟還可以無憂

無註

之乾

大都之居無物不具抱布貿絲所求  
必得

詩氓之篇氓之蚩蚩抱布貿絲匪  
來貿絲來即我謀

坤

膠着木連不出牢閑家室相安

無註

屯

孟伯食長懼其畏王賴四蒙五抱福  
歸房

無註

蒙

防輿疲駟不任銜轡君子服之談何  
容易

無註

需

許嫁既婚利福在身適惠生桓為我  
魯君

左傳宋武公生仲子仲子生而有  
文在手曰為魯夫人故仲子歸于  
惠公生桓公

訟

入門大喜上堂見母妻子俱在兄弟  
饒友

無註

師

推車上山力不能任顛蹶蹉跌傷我  
中心

無註

比

鴈飛退去不食其雛禽尚如此何況  
人與

無註

小畜

福弃我走利不可得幽人利貞終無  
怨慝

無註

履

夫妻反目不能正室翁云于南姬言  
還北並后匹嫡二致亂國

易小畜卦輿脫輻夫妻反目

秦

陽衰伏匿陰淫為賊賴幸王孫遂至  
喜國

無註

否

入山求玉不見和璞終日至暮勞無  
所得

卞和得玉璞三獻楚剖之果有美  
玉焉

同人

鳴鸞四牡駕出行狩合格有獲獻公  
飲酒

詩車攻篇言周宣王往狩于圃田

也田車既好四牡孔阜東有甫草  
駕言行狩

大有

覆手舉牘易為功力月正元日平飲  
致福

無註

謙

三火高明兩減其光高位疾顛驕恣  
誅傷

無註

豫

畏糗荷糧與利相逢高飛有德尹大  
獲福

糗糒也擣粉熬豆為之

隨

道理和得人不相賊君子往之樂有

利福

無註

蠱

水土相得萬物蕃殖膏澤優渥君子

有德

無註

臨

天孫帝子與日月麗光榮於世福祿

繁祉

無註

觀

陪依在位乘非其器折足覆餗毀傷

寶玉

易鼎卦九四鼎折足覆公餗其形

渥凶

噬嗑

鷓飛中退舉事不遂且守仁德猶免  
失墜

鷓當作鷓春秋宋六鷓退飛襄公  
問於周内史叔興曰是何祥也對  
曰君將得諸侯而不終

賁

經棘正冠意盈不廉桀紂速讓惑佞  
傷賢使國亂煩一作桀紂迷惑讓佞  
傷賢

夏桀商紂皆傷賢敗國之君也

剝

申酉退跌陰慝前作柯條華枝復泥  
不白

未詳

復

平正賤使主服苦事

無註

無妄

釣魴河湄水長無涯振手徒歸上下  
昏迷屬公孫齊

春秋魯昭公二十五年公孫干齊  
居於陽州內諱奔謂之孫作去聲

大畜

胎養萌生始見兆形遭逢雷電摧角  
折頸採畜山頭終安不傾

詩載馳篇云陟彼阿丘言采其蟲  
蟲貝母也主療鬱結之疾

頤

陽春枯槁夏多水潦霜雹俱擊傷我  
禾黍年歲困苦

無註

大過



三身六齒痛疾不已齧病蠹缺墮落  
其宅

齧音矩齒蠹也

坎

失恃無友嘉禍出走僇如喪狗

家語孔子去魯累累若喪家之狗

離

寅重微民歲樂年息有國無咎君子

安喜

無註

咸

登几上車駕駟南遊合從散衡燕秦

以強

蘇秦主從張儀主衡秦事燕儀事

秦按禮部韻毛居正曰以六攻一

為從以一離六為橫合之曰從衡

恒

鳥集茂林順柔利貞心樂願得感戴  
慈母

無註

遁

啓蟄始生萬物美榮祉祿未成市賈  
無盈

無註

大壯

驕胡犬形造惡作凶無所能成還自  
滅身

無註

晉

異國他土出良駿馬去如奔害不  
能傷

無註

明夷

恪敬竟職心不作  
愚君明臣忠民賴  
其福

無註

家人

三女求夫伺候山隅  
不見復關長思  
憂歎

詩氓之篇云不見復關  
泣涕漣漣  
復關男子之所居不敢  
顯名故託  
言之此詩刺淫泆也

睽

駕福乘喜東至嘉國  
載慶南行離我  
室居

無註

蹇

四鄰為殘齊魯道難  
前驅執爨戒守

無患

春秋魯僖公二十四年周襄王將以狄伐鄭富辰諫曰耳不聽五聲之和為聾目不別五色之章為昧心不則德義之經為頑口不道忠信之言為囁狄皆有之四奸具矣衛詩云伯也執殳為王前驅

損

下擾上煩蠹蠱為患歲飢無年一云既不一况有飢年

無註

益

雞稚失雛常畏狐狸黃池要盟越國以昌

春秋外傳吳王夫差會晉公午於黃池越王勾踐乃命范蠡帥師沿

海沂淮絕吳路始率中軍沂江以  
襲吳入其郛焚其姑蘇徙其大舟  
事在魯哀公十三年

夫

堅冰黃鳥終日悲號不見白粒但觀  
蓬蒿數驚鷲鳥孰為我憂

無註

遣

王統鐵頤倉庫空虛賈市無盈與我  
為仇一云時不我與我之利為作一  
云倉庫滴空人誰與同

統當作銑按韻註鍾口兩旁曰銑  
又云銑金之澤者鐵頤未詳

萃

竊名盜位居非其家霜隕不實為陰  
所賊一云三年室失盜賊自生霜隕

非時菽麥不成

春秋隕霜殺菽註云菽難殺者殺菽知草皆死也

升

賊仁傷德天怒不福斬刈宗社失其本域博要云日中爲市各抱所有交易資貨探珠懷寶心悅歡喜

易繫辭日中爲市致天下之民聚天下之貨交易而退各得其所蓋取諸噬嗑

困

萬物初生蟄蟲振起益壽增福日受其喜

無註

井

和氣所在物皆不朽聖賢居位國無

凶咎

無註

革

麟遊鳳舞歲樂民喜又云鳳舞麟遊  
賢聖作儔歲既豐稔人何以憂

無註

鼎

行行窘步次宿方舍居安不懼姬姜  
何憂一云行幸國翫觀俗風君安自  
勞姬姜何憂

無註

震

水深難遊霜寒難涉商伯失利旅人

稽留

無註

艮

跛踦相隨日暮牛罷凌遲後旅失利  
亡雌

無註

漸

一年九鑠更相牽摩案明如市不得  
東西請讞得報日中被刑  
讞魚蹇切議獄也

歸妹

春桃生華季女宜家受福多年男為  
邦君

詩周南桃夭篇桃之夭夭灼灼其  
華之子于歸宜其室家

豐

雷鼓東行稼穡凋傷大夫執政君替  
其明

春秋魯自文公薨公子遂殺子赤



旅  
立宣公而政在大夫則公室微矣

季世多憂亂國淫遊殃禍立至民無  
以休

無註

巽

發輓温湯過角宿房宜時布和無所  
不通一本云布春令德明物轉芳

無註

兌

水中大賈求利食子商人至市空無  
所有

無註

渙

春草萌生萬物敷榮陰陽和調國樂  
無憂樂一和暢何事不亨

無註

節

左眇右盲目視不明下民多孽君失其常

無註

中孚

悅以內安不利出門憂除禍消公孫何尤

無註

小過

丹書之信言不負語易我騏驎君子有德

史記漢高祖天下既定與功臣剖符作誓丹書鐵券金匱石室藏之宗廟

既濟

上政搔擾螟蟲並起害我嘉穀年歲  
無稷

無註

未濟

竿旄旌旗執職在郊雖有寶珍無路  
致之

職當作幟衛詩干旄篇云子子干  
旄在浚之郊小序云美好善也

易林卷第十

易林卷第十

焦氏易林

困 萃 夬 損  
井 升 遯 益

臺灣國家圖書館, NATIONAL CENTRAL LIBRARY, TAIWAN, R.O.C.

書名

易林注

(第 法

冊) 共 冊

刊寫時代

鈔汲古閣景寫元葉大字本

裝式

蝶裝 黃綾皮

卷數

第拾壹第拾貳

葉數

壹百肆拾伍葉

行格

半葉捌行行拾伍字

高廣

高伍寸壹分 廣伍寸捌分

邊口

左右雙線白口上魚尾下釋卷數下魚尾上釋葉數

印章

首尾有本館朱文長印

其他標識及狀況

每卦無註者依兩格標無註或未詳等字

覆查加注

編目者因卷抽壹第叁拾壹引謂所屬玉斷為元刊以證各家著錄作宋刊為誤然今以邊口列之則寫本與刻本不同非同時所刊無疑或鈔本出先版而刻本則宋版也

覆查加注

編目者因卷抽壹第叁拾壹引謂所屬玉斷為元刊以證各家著錄作宋刊為誤然今以邊口列之則寫本與刻本不同非同時所刊無疑或鈔本出先版而刻本則宋版也

中華民國十三年 叁 月 亥 辰 日

檢查者 李文符  
覆查者 饒汝儀

臺灣國家圖書館, NATIONAL CENTRAL LIBRARY, TAIWAN, R.O.C.

易林卷第十一

三三 艮上損



路多枳棘步刺我足不利孤客為心  
作毒

無註

之乾

鯉鮒鮪鰕勸福多魚資所有无富我  
邦家

卷十一

勸助也見廣韻

坤

景星照堂麟游鳳翔仁施大行頌聲  
作興征者無明失其寵光

景星一名德星王者不私人以官  
使賢者在位則見

屯

羊腸九縈相推稍前止須王孫乃能

上天

戰國策注趙險塞名山形屈辟如

羊腸

蒙

四手共身莫適所閑更相放接動失

事便

無註

需

水流趨下逮至東來求我所有買魴

與鯉

無註

訟

春粟夏棗少鮮希有斗千石萬貫不

可販

無註

師

旦往暮還相祐與聚無有凶患

無註

比

大地當路使季畏懼湯火之災切直  
我膚賴其天幸歸于生廬

漢高祖劉季被酒夜徑澤中有大  
蛇當徑遂拔劍斬之

小畜

從足去域飛入陳國有所畏避深藏  
邃匿

無註

履

海爲水宗聰聖且明百流歸德無有  
叛逆常饒優足

書禹貢江漢朝宗于海

泰



夏麥麩麩霜擊其芒病君敗國使年

大傷

麩音孚麩古猛切

否

秋隼冬翔數被嚴霜雄父夜鳴家憂

不寧

無註

同人

樂仁上德東鄰慕義來安吾國

無註

大有

逐憂除殃汙泥生梁下田為汪

無註

謙

闇昧冥語轉相迷誤鬼魅所居誰知

卧處

無註

豫

南歷玉山東入玉關登上福堂飲萬

歲漿

無註

隨

比目四翼來安我國福善上堂與我

同床

無註

蠱

乘牛逐驥日暮不至路宿多畏亡其

駢騅

無註

臨

元吉無咎安寧不殆

無註

觀

奮翅鼓翼翱翔外國逍遙徙倚來歸  
溫室

無註

噬嗑

河伯娶婦東山氏女新婚三日浮雲  
洒雨雨我菅茅萬家之祐

史記西門豹為鄴令問民所疾苦

皆曰苦為河伯娶婦不為娶婦水  
漂人民豹曰至時來報吾亦往送  
女至其時豹往河上使吏抱大巫  
投河中吏民驚恐從是不敢復言  
河伯娶婦矣

賁

嬰兒求乳慈母歸子黃麕悅喜得見  
甘飽

麋鹿子也

剝

貧鬼守門日破我盆毀罍傷缸空虛

無子

無註

復

多載重負捐棄於野子無稚子但自

勞苦

無註

无妄

雄狐綏綏登山崔嵬昭告顯功大福

允興

詩云南山崔崔雄狐綏綏

大畜

嬰兒孩笑未有所識狄童而爭亂我

政事

狄當作彼

頤

十九同投為雉所維獨得跳脫完全不虧

無註

大過

狐濟濡尾求橘得枳李妣懷悔鮑舍魚鳧

易未濟亨小狐汔濟濡其尾言狐能渡水濡尾則不能濟也

坎

跌足息肩所忌不難金城銅郭以鐵為關蕃屏周衛安止無患

無註

離

戴堯扶禹松喬彭祖西過王母道里

夷易無敢難者

堯禹皆仁德之君赤松王喬彭祖  
皆古之仙者

咸

京庾積聚黍稷以拯行者疾至可以

厭飽

無註

恒

良夫孔姬脅懼登臺樂季不扶叔輒

走逃

按春秋左傳孔伯姬與其豎渾良  
夫爲蒯賸劫孔懼登臺衛亂季路  
死焉衛輒奔宋

遊

天之所予福祿常在不憂危殆

無註

大壯

行觸天剛馬死車傷身無慘賴困窮  
乏糧

無註

晉

鉛刀攻玉堅不可得盡我筋力胝爾  
爲疾

無註

明夷

穆違百里使孟奮武將軍師戰敗於  
穀口

秦穆公違蹇叔之言使百里孟明  
視出師襲鄭孟即孟明視也

家人

有人追亡鳥言所匿不旅日得  
無註

睽

府藏之富王以賑貸捕魚河海苟罔  
多得

無註

蹇

鴻飛遵陸公歸不復伯氏客宿

詩九罭篇云鴻飛遵陸公歸不復  
於汝信宿

解

鳧過稻廬甘樂廣鱖雖驚不去田畯  
懷憂

田畯田大夫農官也

益

雨師娶婦黃巖季子成禮既婚相呼  
面南膏潤應時年豐大喜

博物志曰太公爲灌壇令武王夢



婦人當道夜哭問之曰吾是東海  
神女嫁於西海神童今爲灌壇令  
當道廢我行我行必有風疾雨  
武王覺召太公問之果有疾風暴  
雨從太公邑外過

夫

畜積有餘冀土不居美哉輪奐出有

高車

無註

溝

重門擊柝陵昧武守雖驚不懼一云  
重門擊柝介士守護終有他道雖驚  
不懼

易繫辭重門擊柝以待暴客蓋取  
諸豫

萃

大都王市稠人多寶公孫宜賈其貸  
萬倍

無註

升

秋隼冬翔數被嚴霜甲兵當庭萬物  
不生雄父夜鳴民擾以驚

無註

困

招禍致凶來螫我邦痛在手足不得  
安息

無註

井

秦失其鹿疾走先得勇夫慕義君子  
變服

史記蒯徹曰秦失其鹿天下共逐  
高材疾足者先得之

革

山陵四塞遏我徑路欲前不得復還  
故處

無註

鼎

一指食肉口無所得舌饒於腹  
左傳鄭公解黿召子公而弗與子  
公怒染指於鼎嘗之而出

震

晨夜驚駭不知所止皇母相祐卒得  
安處

無註

艮

豺狼所言語無成全誤我白馬使乾  
口來

無註

漸

呼精靈來魄生無憂疾病瘡瘻解我  
患愁

瘡音愈瘻音抽

歸妹

牧羊逐兔使魚相捕任非其人廢日  
無功一云卒歲無功不免辛苦

無註

豐

堂祥上樓與福俱居席地妃治國安  
無憂

未詳

旅

禹召諸臣會稽南山執玉萬國天下  
康安

史記禹南巡狩會諸侯于塗山執

玉帛者萬國

巽

太姒文母乃生聖子昌發受命為天下主

大姒文王妃也文王名昌武王名發伐紂而有天下

允

兩宜同室免無誰告與狂相觸蒙我以惡

無註

渙

桃雀竊脂巢於小枝動搖不安為風所吹寒恐悚慄常憂殆危

桃雀即挑虫詩曰肇允彼挑虫註云鷦鷯也竊脂桑扈也

節

陽春長日萬物華實樂有利福一云  
春陽成長萬物華實福利所鍾忻忻  
過日

無註

中孚

鄰不我顧而望玉女身疾瘡癩誰肯  
媚者

無註

小過

涸旱不雨澤竭無流魚鼈乾口皇天  
不憂

無註

既濟

狼虎之鄉日爭凶訟受性貪號食不能  
容縱

無註

未濟

陰注寒疾水離其室舟楫大作傷害  
黍稷民飢於食亦病心腹

無註

☳

震下益  
巽上益

文王四乳仁愛篤厚子畜十男無有  
折夭

淮南子云文王有四乳

之乾

下堂出門東至九山逢福值喜得其  
安閑

無註

坤

城上有烏自名破家招呼鳩毒為國  
患災

無註

屯

伯虎仲熊德義淵聞使敷五教陰陽  
順序行溢多悔利無所得

按史高辛氏之子有曰伯虎仲熊  
為伯益之佐伯虎疑即仲虎也五  
教父子有親君臣有義夫婦有別  
長幼有序朋友有信

蒙

飲酒醉酣跳起爭鬪手足紛拏伯傷  
仲僵東家治喪伯仲俱損因以治喪

無註

需

四目相視稍近同机日昃之後見吾

伯姊

無註

訟



隨時逐便不失利門多獲得福富於封君

無註

師

隴西北冀北多見駿馬去如焱颺害不能傷

焱音艷颺音羊

比

白龍黑虎起伏俱怒蚩尤敗走死於魚首

史記軒轅修德治兵禽殺蚩尤於涿鹿

小畜

鴻飛戾天避害紫淵雖有鋒門不能危身

無註

履

平國不君夏氏作亂烏號竊發靈公  
隕命

陳靈公通於夏姬其子徵舒病之  
出自廐射而中之事見宣公十年

泰

江漢上游政逆民憂陰伐其陽雄受  
其殃

無註

否

東家殺牛聞臭腥臊神怒不顧命衰  
絕周亳社災燒妄夷誅愁

易曰東鄰殺牛不如西鄰之禴祭  
春秋魯襄公三十年五月烏鳴于  
亳社甲午宋大災

同人

西誅不服恃彊負力倍道趨敵師走  
敗覆

按史記楚項梁西擊秦破章邯引  
兵至定陶再破秦軍項羽沛公大  
破秦兵於雍斬李由梁益輕秦有  
驕色宋義諫弗聽秦悉起兵益章  
邯擊楚軍大破之定陶項梁死焉  
大有

一婦六夫亂擾不治張王季疾莫適  
為公政道壅塞周君失邦

無註

謙

配合相迎利之四鄉昏以為期明星  
煌煌欣喜爽澤所言得當

無註

豫

獲墮高木不踳手足握金懷玉還歸其室

無註

隋

卷領遁世仁德不害三聖欣同周國茂興

按史周太王欲以國授季歷太伯仲雍知之太王病二人託採藥於

荆蠻以讓之故云遁世舍止息也言周之仁德不止息也三聖季歷文王武王也卷領未詳恐字有誤

蠱

去患脫厄安無怵惕上福喜堂見我權兄

無註

臨

帶季兒良明知權兵將師合戰敵不能當趙魏以強

帶季即帶佗與兒良俱戰國時人善用兵知權變

觀

鷓思其雄欲隨鳳東順理羽翼出次須日中留北邑復反其室

無註

噬嗑

耳如驚鹿不能定足室家分散各走匿竄

無註

賁

甲乙丙丁俱位我庭三丑六子入門見母

未詳

剝

躡華巔觀浮雲風雨不搏心安匿無咎患

無註

復

德施流行利之四鄉兩師洒道風伯逐殃巡狩封禪以告成功

巡狩者天子巡行諸侯所守之地封禪封土為壇除地為禪古者帝王之興每易位而起必封乎泰山所以告成功也

无妄

水流趨下遂成東海求我所有買鱸與鯉

無註

大畜

和氣相薄膏潤津津生我嘉穀

無註

頤

憂驚以除禍不成災安全以來

無註

大過

堅冰黃鳥常哀悲愁不見白粒但覩  
藜蒿數驚驚鳥飄為我憂

無註

坎

翁翁鞫鞫實墮崩巔滅其命身

鞫音田

離

因禍致福喜盈其室

無註

咸

佳居千里不見河海無有魚市

無註

恒

鹿得美草嗚呼其友九族和睦不憂

飢乏

鹿鳴燕饗賓客之詩也曰呦呦鹿  
鳴食野之苹我有嘉賓鼓瑟吹笙

漸

出門得堂不逢禍殃入戶自若不見

矛戟

無註

大壯

壘尊重席命我嘉客福祐久長不見

禍殃

無註

晉



鳴鴻俱飛北就魚池鱣鮪鯉多饒  
所有一筍獲兩利之過倍

無註

明夷

當風奮翼與鳥飛北入我嘉國見吾

慶室

無註

家人

麒麟鳳凰善政德祥陰陽和調國無

灾殃

無註

睽

逐狐東山水過我前深不可涉失其

後便

無註

蹇

丑戌亥子飢饉前生陰陽暴客水絕  
我食

未詳

解

狐狸雉兔畏人逃去分走竄匿不知  
所處

無註

損

桀跖惡人使德不通炎旱為殃年穀  
大傷

無註

夬

兔乳在室行求雀食虎懼我子長號  
不已

無註

遯

土階明堂禮讓益興雄二相得使民  
無疾

帝堯之時土階三尺周公宗祀文  
王於明堂以配上帝雄二相得未  
詳

萃

送金出門并失玉丸徃來井上破甕  
壞盆

無註

升

諷德誦功美周盛隆加其旦輔光濟  
冲人

周自文武興功德隆盛成王幼冲  
又得周公旦爲之輔書曰昔公勤  
勞王家惟予冲人弗及知

困

盜竊滅身貳母不親王后無黨毀其  
寶真靈

無註

井

六目睽睽各欲有至專止未裝候待  
旦明

無註

革

雀行求粒誤入罟罟賴仁君子復脫  
歸室

無註

鼎

仁德孔明患禍不傷期誓不至室人  
銜恤

無註

震

龜厭江海陸行不止自今枯槁失其  
都市雖憂无咎

無註

良

孤獨特處莫依爲輔心勞志苦

無註

漸

伯仲言留叔子云去雖自无咎主母

大喜

無註

歸妹

初憂不安後得笑懼雖懼無患

無註

豐

好戰亡國師不以律稱上隕隊主齊侯  
狼戾其被焚崇